

HELL KUA TUNG!

Tuitthang khangno te: Bro aw, Pawlpi in hell sungah
 kuateng tungkhin ci ahia. Thei nuamsi ung e?

Bro Damian: Ei teng thu kidot lauhuai si hang e. Tua dan
 Pawlpi in hilhna nei hi cih thu na zangei uh na?

Khangnote: Za ngeilo.

Bro Damian: Aphi man tua hi pah ei. Kitel pah mate.

Khangnote: Tel siang nailo Bro. Honggen lai ve.

Bro Damian: Honggen lai ning ei leh;

- (i) Khatna ah Pawlpi'n kua mi/tua mi tua te hellsung
 tungkhin cih taangko ngei lo.
- (ii) Leitunga, galdo pawlpi i cih, ei ii muh theih i Pawlpi in
 zong kuate/kua teng Hell sung tungkhin cih thu thei kha lo ding hi.
- (iii) Tua nongdot uh tawh aki leh bulh in, Pawlpi in taangko
 khat nei hi. Tua in, Vantunggam kua tungkhin cih thu taang ko hi. Atom in
 genleng Misiangtho kuasuak hiam cih taangko hi. Vantunggam atunglian
 atheih te bek misiangtho ci in taangko na nei den hi. Pawlpi in, i theih
 zawhloh, i theihkhak loh, vantunggam atung, misiangtho asuak tampi tak
 om ding hi. Hithei hizen leh, tua tengkhempeuh zong Pawlpi in taangko
 nuam mahmah ding hi. Ahih hang, theikhin zolo hizaw hi. Ei khuasungpan
 a, pawlpi la masa i pi i pu masa te khat teitei vangam tungkhin ngelngel
 ding hi. Ahih hang en thei kha lo. Kua ma'n thei kha lo i hih teh taangko
 thei lo cih dan hi.
- (iv) Tua tawh kizomin theih ding leh ciaptehdung thu khatin
 banghiam cih leh, leitungah kuamah peuhmah in, tua nu/
 tuapa hell sungtung hi cih theih na'ng thu om lo hi.
 Banghanghiam cih leh, mawhmaisak Pasian ahih manin,
 amah bek in, mawhna neilo mi kua hiam cih thei hi. Mawh
 maisak Pa bek in, amaisak mi khempeuh thei in, adang te in
 i hih leh, amaisak lam honghilh te bek i thei hi.

- (v) Hih thu te hangin, Pawlpi in tu ni dongciang, hell sungah
kuateng tungkhin hiam cih thu taangko na neingei lo hi.

Note: (18th March 2008 Tuithang khangno te tawh Pasion thusin na diary pan)